

Konarski S. - Ode. Stanislaw  
Augusto....

<http://rcin.org.pl>

STANISLAO. AUGUSTO.

SERENISSIMO. ET. POTENTISSIMO.

POLONIÆ. REGI.

MAGNO. DUCI. LITHVANIAE. &c.

MAGNI. HEROIS.

PRIMIQUE. REGNI. SENATORIS.

CASTELLANI. CRACOVIENSIS.

CLARISSIMI. COP. ARUM. DUCIS.

VETUSTISSIMA. CIOŁEK. PROSAPIA. ORIUNDI.

STANISLAI. PONIATOVII.

PRÆSTANTISSIMO. FILIO:

PER. MATREM. PRINCIPEM. CONSTANTIAM.

DE. DUCIBUS. CZARTORISCHIS.

E. JAGELLONUM. SACRA. STIRPE. PROFECTO:  
RELIGIONE. PIETATE. OMNIS. ERUDITI-  
ONIS. LAUDE. JUSTITIA. CLEMENTIA.

COMITATE. BENEFICENTIA. PRUDEN-

TIA. .CONSILIO. FORTITUDINE. ANIMI.

ORIS. MAJESTATE. SUAVISSIMAQUE. FACUNDIA.

ORNATISSIMO.

ET. AD. REGNANDUM. NATO.

A VICINIS. AMICISQUE. REIPUBLICÆ.  
MAXIMIS. PRINCIPIBUS. ÆSTIMATISSIMO.

ET. MAGNI. HABITO.

GENTIS. LIBERÆ. BENEVOLENTIAM. ITA.  
P R O M E R I T O.

U T. UNANIMIBUS. TOTIUS. NATIONIS.  
S U F F R A G I I S.

SINE. EXEMPLO. CONCORDISSIME.  
IN. REGEM. ELIGERETUR.

SAPIENTIA. UTI. SUA. PROPRIA. DOTE.

OMNIBUS. QUI. THRONUM. POLONUM.  
AMBIRE. POTUERINT.

OMNIBUSQUE. CIVIBUS. PRÆCELLENTI.  
SCIENTIARUM. ET. ARTIUM. DEO. TUTELARI.

VERO. AMORI. DELICHSQUE. POPULI.

QUEM. (QUOD. DE. TITO. DICTUM) SI. VIDEAS,  
SI. AUDIAS. SILEX. ES. SI. NON. AMES.  
BREVIBUS:

## R E G I . S A P I E N T I .

CARMEN. LYRICUM. OFFICIA. REGIS.  
COMPLEXUM.

STANISLAUS. KONARSKI. & SCHOLIS. PHIS,

Fidelis amantissimusque sui Regis Cliens, Subditus.

*In sue ac Congregationis Schol: Piarum.*

MAIESTATI. DEBITÆ. VENERATIONIS. PIGNUS.  
ANNO. M.DCC.LX.IV.

D. L. D.

<http://rcin.org.pl>



# LECTORI.



Neunte fere Interregno, cum de Orname-  
ento Gentis, STANISLAO PONIA-  
TOVIO, ad Regnum Candidato, pri-  
mi tum inter Nos sermones essent, Ode  
hæc de Sapiente Rege, amicis decantata fuit. Nemo  
erat, qui picturam simulacrumque videret, qui non  
nox Archetypon, unde hæc tracta sint, facile agno-  
ceret. Imaginatio Sapientis Regis, mirum in modum, cum  
nulloque mortalium melius, quam cum hoc suo Exem-  
plari, tamque illustri Candidato, convenire visa est.  
Illum effingit, illius lineamenta duci, ejus esse effigiem,  
omnes illico judicavere. Nihil illi proprius, nihil similius:  
Ille est! quis dubitet? vox una omnium fuit.

Quæ tum de futuro Rege dicebamus, jam nunc  
in præsente, neminem fallunt. Summo Reipublicæ bo-  
no concessus est nobis a D. O. M. Rex Sapiens. Hæc  
sola notio, omne id quod Principes summos & glorio-  
sissimos facit, complectitur & definit. Erit Rex pius,  
justus, clemens, officii diligens, beneficus, Populi Pater,  
magnanimus, fortis, utraque fortuna invictus, dum  
erit Sapiens. Nam cum tanta sit de Regis STANISLAI  
AUGUSTI Sapientia, tamque bene fundata univer-  
sorum opinio, Illi honorificentissima, nobis utilissima  
& que ac jucundissima, aut ille undequaque proderit, ut  
nobis certissima spes est, Reipublicæ, aut jam Reges

A:

vel

vel optimi, non erunt unquam bono humani generis. Desperandum esset de salute & fortuna publica, si hoc Principe divinitus Nobis dato, de ea quis dubitare ausit. Tempore eget, quæ enim longa depravarit & corrupérat ætas, refici corrigique repente nequeunt. Concordia Civium eget, nam Civitati, secum ipsi discordi, nulla salus, DEUSque Ipse ruinam occasumque minatur. Voluntate & ope nostri omnium eget, quis enim cum invitatis nolentibusque quidquam proficiat? Quamquam magna Ejus mens, id quoque non ignoret: opus esse benefacere vel invitæ multitudini. Ille laboriosissime, ut à teneris asuevit, vitæ rationi non parcer, neque illi Sapientia Cœlestis, nec ars ulla imperandi regendique deerit. Hæc sunt de Eo Gentis liberæ, hæc Vicinorum Magnorumque Principum & Nationum præclara Judicia. Hæc de Eo & vati auguria Musæ divinitus inspirarunt.

Si Carmen, quam hujus Generis Carmina esse soleant, quamque Princeps eorum Octavii Augusti Poeta exemplum dederit, insolenter longius est, meæ quidem intemperantiæ culpa est, sed causa, magnitudo materiæ. Inexhausta res est officium Principis. Multa mihi in mentem venerunt, at nondum omnia. Esto & senile vitium: aut Oloris, infinite usque ad funus cantantis, imitatio. Fortasse varietas rerum, fastidium tollet, & ad dandam insuetæ in id generis Cantu longitudini veniam, animum legentis deliniet. Scio Regem Musis esse amicissimum, Illæ autem curas & cogitationes Regias importune non rumpent, expectabunt præ foribus, si quid otii Regi forte supererit.



# AD FUTURUM POLONIAE REGEM:

Ex illo Salomonis:

*Da mihi Domine Sedium tuarum Affricem  
Sapientiam, quae mecum sit, &c.*

DE SAPIENTE REGE.

---

## O D E.

---



SI quod prophanis est vetitum, licet  
Audire Vates: Sarmatiae novum  
Regem daturus, sic Deos est,  
Sic Superum Pater allocutus,

Me teste: Se quod rite colentibus,  
Bonisque, Reges det populis bonos,  
Probos, pios, fortes, tenaces  
Iustitiae Sapientiamque

<http://rcin.org.pl>

Locet

Locet beati pone latus, Throni:  
Quae dicit et apertas, feligat optimas,  
Et pacis & belli, secundis  
Temporibus dubiisque, Leges

Haec, sceptralia sacra versat ubi manu;  
Sancto Senatus Concilio, Patres  
Conscribit augustos: Ad omne,  
(E populo meliore quovis

Iecto) recenset munus idoneos.  
Addit bonis calcaria, praemii.  
Cietque tardantem mereri  
Utilium celebrata late

Merces laborum. Perdita spes malis.  
Fortuna Cives deserit improbos.  
Virtutis almæ cuncta parent  
Imperio. Patrios honores,

Non illa Avorum, sed meritis jubet  
Gnava in juventam querere propriis.  
Greges adulantum, paratas  
Vaenum animas facilesque vendi,

Sublimis arcet limine Regiae,  
Falces & omnes flagitio eripit.  
Intaminatis ipsa praeest  
Judiciis, nec in innocentem'

Jus

Jus dat potenti. Si facilis tamen  
Si prompta culpæ parcere supplici:  
At crimen exerta protervum  
Terret & insequitur securi.

Hinc triste septis qualis olentibus  
Lupus, canum qui territus agmine,  
Arrexit horrentes capillos,  
Perpetuaque fuga religidis


Erupit oris: sic miserabile,  
Sic omni inaudax & pavidum loco,  
Foroque, compitisque pulsum  
Ac domibus, scelus exul errat.

Serris nec aurum veteque triplici  
Eget, nec Argi centum oculis thorus  
Pudicus: effraenes sat ausus  
Poena vigil cohibet, nefasque.

Restricis haec est vis Sapientiae.  
Illiars ars est, nosse, quid indoles?  
Genti quid innatus reposcat  
Laudis amor? quid opum cupido?

Non usitatis inde modis agit,  
Urgetque motu perpetu, Horeant  
Artes ut omnes: hicque acuto  
Ingenio, vel adusque priscis

Res



Res irrepertas detegat, aut novam  
Lucem repertis addat; at hic manu  
Quam mente plus celer, stupendi  
Res operis pretiique magni

Effingat; (empturo illicium potens.)  
Desiderati sic opifex lucri  
Sit certus, ac isto perennes  
Fonte meent remeentque nummi

Primus regentis sed labor, ut parens  
Faecunda frugum, rura Ceres colat:  
Typhisque quaesitas in omni  
Littore, velivolisque clausas

Merces carinis, invehat urbibus.  
Gaudetque, privatam si opulentiam  
Industriae debet, suasque  
Quisque opera studiosiore

Res semper urget navus & impiger.  
Re singulorum crescere publicam  
Cum norit, & commune magnum  
Censibus exiguis parari.

Nec negligit, quas celat humus sinu  
Gazas avaro: viscera montium  
Ferro secat, nigris & infert  
Damna Pluti Triviaeque Regnis,

Venas



Venas ut addat divitiis novas.  
Tranquilla tutas sed teneant opes  
Ut Regna, tutela potenti, et  
Viribus hic opus est & armis.

Haec Rex futuri prospiciens, parat.  
Ne confilij expers, quid trepidis agat  
In rebus, incensâ sequatur  
Dardanidem Aeneadasque Troiâ.

Recensue miles, ne rudit agminum  
Flammaeque Martis turbet opus grave.  
Constat, repentinis deesse  
Et subitis animum, modumque,

In imparatos si celeri pede  
Hostis vel impar ingruit. Otia  
Rex nescit, eventura prudens  
Providet & meditatur alta

In pace bellum: vel Socialibus  
Paci suorum faederibus cavet;  
Vectes ut aternos ahenis  
Det foribus, referet nec unquam

Templum Bifrontis: Laetus, amabilem  
Suo quietem si populo, eximit  
Externa nec vis, Civium nec  
Jurgia pestiferaeque rixae.

Sed grata, somno si placido levat  
Fessos aratro cum Dominis boves,  
Nutantis annosæque quercus  
Umbra, soporiferæque ripæ.

In publicorum tunc operum novas  
Molitiones pronus & integer  
Incumbit, ac Divos superbis  
Indigetes habitare templis

Jubet. Tener vel tunc inopum Pater  
Infert asylis pauperiem piis.  
Doctas Juventuti Palaestras,  
Et mutilis senioque frætis,

(Attrita quorum casside tempora)  
Tunc Martiales aedificat Domos.  
Tunc impedituras, feroci  
Hosti aditum per aperta Regni,

Communit Arces; barbarus unde Dux  
Nolit trecentis fulminibus quat*i*.  
Tunc pontium moles, simulque  
Claustra vagis sinuosa rivis

Ponit. Viarum dulcius Appia,  
Saxoque stratum planat iter. Fora  
Nec arte dimensas plateas  
Innovat, & meliore donat

Forma

Forma, Vetustae maenia Regiae  
Corinthiis aut Joniis modis  
Exornat; ac in plebis usum  
Deliciasque profusus, hortos

Ludis aquosis instruit. In bonum  
Commune, semper splendidus omnium  
Provisor, ast illiberalis,  
Et sibimet nisi parcus ipsi.

Nil Regiae deest magnificentiae;  
Ast hac in ipsa, nil nimium. Pari  
Metitur ac æqua bilance,  
Qui veniunt abeuntque census;

Modumque cautus servat, ut exitus  
Venas opum ne præsuperet, neque  
Pars major absumatur aulæ  
Soricibus. Nihil esse novit

Egente pejus Principe. Proprii  
Proin videri vult patrimonii  
Attentus argutusque custos.  
Solicitus magis anxiusque,

Non rem tributis augeat ut suam,  
Sed ut Paterna demat onus manu,  
Solventis è parvo coloni,  
Et tenuem sibi vix agello

¶ o ¶

Præbente vitam. Quippe bonus Parens,  
(Ut est Parens, Rex officii memor)  
Ceu liberos, & dulcis instar  
Prolis amat populum, suosque


Cives: & unam respicit ut Domum,  
Quacunque spectat Regnum habitabile.  
Partitus, æquo jure natis,  
Lance pari sua dona, nec plus

Feliori, de Patria Viro  
Sed plus merenti: vel probitas diu  
Quem rara secrevit latentem  
Et tacitum, medioque vulgi

Exemit, aptum grandibus, & rei  
Natum gerendæ. Novit enim suos  
Princeps: huic horas diurnas  
Dat studio vigilesque noctes:

Seseque totum sedulus, usui, et  
Unum saluti devovet omnium.  
Nascantur è quo fonte, gnarus,  
Regia jura; datasque nusquam

Fuisse gentes Regibus; at datos  
Fuisse Reges Gentibus: haud sua  
Seseque libertate frustra  
Trux hominum genus exuisse,



Non ut Tirannos, (sunt miseræ quibus  
Turbae gementum grataque servitus)  
Sed ut pios justosque Patres  
Deligeret, memoresque, sece

Certis teneri Legibus. His nisi  
Subesse Reges se quoque sentiant,  
Non temperatam vim, tumultus  
Seditioque nocens sequetur.

Odere semper, qui metuunt. Metu  
Custode tutum nil bene. Vidimus,  
Si non amor fulcit fidesque,  
Saepe thronos titubare celos.

Hoc non timebit Rex sapiens, cui,  
Potens in omnes jus animos dabit  
Coelestis ac callens regendi  
Ars homines. Cui sunt benigna,

Quae rite, puris & manibus colit,  
Supplexque placat, Numina: Regios  
Mores & exemplum sequente,  
Ac studiis imitante magnis

Turba, sui vestigia Principis.  
Sic una mens est cum populo Duci,  
Ut vera sectentur, Deoque  
Digna, superstitiosa temnant,

Norintque, Patrem Romuleum Sacris  
Praeesse, summo sub Jove: qui male  
Obliviosos impiosque  
Cuspide saepe monet tremenda,

Quid possit? & quid juris in infimum  
Telluris Orbem Regnaque maxima  
Sibi reservarit, Coronas  
Ad lubitum arbitriumque mutans.

Jam major, aut quae faustior accedit  
Felicibus sors Imperiis? ubi  
Cantare non fastidiosis  
Regibus hæc, cupidisque veri,

Fas est. In Aulis stat male veritas:  
At Rex Magistro discipulus Jove  
Qui regnat, huic primas in omni  
Consilio dat, & aure prona

Audit monentem: sic male noxio  
Errore liber fraudibus & dolo est,  
Sic hostis est nulli, protervum  
Quem Patriæ nisi norit hostem:

Sic Patriæ, quo quisquis amicior,  
Is certus idem Regis Hephaestion.  
Sic cara Majestas supernis  
Disque placet, populis & imis

Acque.. Polonis addite regibus  
Regem faventes o Superi ! optimum  
Quem nostis, aut hucusque qualem  
Vaticinæ cecinere Musæ.

Sic Pax beatos alma feret dies:  
Sic prosperorum Civibus omnium  
Spes omnis & fortuna crescat:  
Perque libros, per & ora sæclis

Narrata seris, gloria nominis,  
Et laus & ingens Imperii decus  
Clarescat, audietque, toto  
Gentibus Oceano revulsis.

---

CUM REGIÆ MAJESTATI,  
JUVENTUS CÖLI EGII NOBILIMUM  
VARSAVIENSIS,  
Sese in eodem præsentaret:  
Nomine Instituti Scholarum Piarum.

O R A T I O.



CÆtus Noster exiguis, dum MAJESTATEM TUAM, REX AUGUSTE,  
intra horum angustias parietum,  
cum summae, quam mens capere  
potest, venerationis sensu, parique animorum ala-  
critate salutat, fastis in perenne monumentum in-  
scribet suis, & locum hunc, luce REGIAE Præsen-  
tiæ collistratum, qui nobis deinceps sacer, & di-  
em hunc, qui posteris nostris memorabilis erit.

Osten-

Ostendis clare PRINCIPVM humanissime cum maximis rebus pro ratione temporis consulueris, etiam ad minima quævis & humilia REGIAS TUAS curas extendi. Civitatem univ-  
sam animo tenes, nec primos solum, sed & postero-  
mos TUI Sceptri præsidio tutos felicesque vis esse.  
Istud scilicet DEI est, (cujus jam in hoc Regno  
vices obeundæ TIBI sunt) magnis perinde ac  
parvis prospicere, tantoque Providentiam Ejus  
magis esse admirabilem oportet.

Gratulamur Nobis itaque & incredibili ge-  
stimus lætitia, talem Nobis divinitus concessum  
esse PrincipeM, cuius diligentia omnes Reipubli-  
cæ partes complectatur, quique hanc etiam sibi  
minime contemnendam, putet, quæ circa educa-  
tionem Juventutis versatur. Male enim vero cum  
sibi tum Reipublicæ consulunt ii Principes, apud  
quos Juvenum educandorum ratio, res est ulti-  
ma, nec digna quidem de qua regie cogitent, cui  
aliquam impendant operam. Fundamentum ta-  
men, salus, ac origo omnis in Republica boni, est  
reæta ac diligens Adolescentum Institutio.

Quam jam bene hac de re sperandum nobis  
est, sub sapientissimo omnique virtutis ac doctri-  
næ genere exculto Rege? eodemque in ea disci-  
plina educato, quam vel maximos orbis Principes  
in instituendis suis Liberis imitari deceret, &  
quæ illi præcipue viam etiam certam & facilem  
ad Thronum aperuerit. Nisi enim REX AUGU-  
STE, pròspicientibus eminus, quid tecum eventu-  
rum esset, fatis, nisi inquam ita educatus essem,  
REX non essem. Sensit id & ille peritissimus Hero-  
um cognitor Judexq; REX Borussus qui præclaris-  
simæ inter de Te judicia, id Tibi laudis tribuisse  
Legatoque Nostro dixisse fertur: Scire se, Magni

Viri Heroisque illius PONIATOVII, & Principis CZARTORYSCLÆ Feminæ lectissimæ & æstimatissimæ TE esse Prolem, adeoque præstantissimos clarissimosque Parentes TUOS, eam TIBI educationem dedisse, quæ Te Solio parem Regio formasset, dignumque & idoneum ad regendam, in qua Natus es, Gentem liberam effecisset. Ita nullum majus beneficium Patriæ præstare possunt, omnes boni Parentes, quam cum liberos suos quanta possunt diligentia, in quam optimos formare Reipublicæ Viros, vel à teneris student. Ad quod ut eos regaliter iuves, nedum iis optimo vis esse exemplo, sed & Scholam equestrem ope Tua & Reipub: eisdem fundandam paterne policeris, quæ, si quid aliud, Nomen Tuum immortale gratissimumque posteris reddet.

Quid jam in TE Potentissime ac Optime AUGUSTE Noster, hæc animi præcipuè TUI cultura effecit ? id videlicet, quod summum, quod primum, quod unum in maximis desideratur Principibus, ea TE nimirum imbuit ornatique sapientia, quæ omnes regnandi artes circumscribit, quæ satis est ad felicem beatamque reddendam Rempublicam, qua Tu tanta, juxta omnium qui Te norint hominum, de Te honorificentissimam opinionem, es præditus, ut ea sapientissimis quibusvis, & antiquis, & Tecum hodie Sceptra gerentibus Principibus, TE comparare, libenter ac cum ingenti Nationis Nostræ gloria soleamus. Itaque qui reliquis Civibus sapientia præcellis, iisdem ut imperes, meruisti : ne illam priscis quibusdam felicibusque populis invideamus gloriam, eos, sapientissimos duntaxat optimosque omnium Civiū, semper ad Sceptra quæsisse.

Jam quidquid inde boni, ornamenti, ac glo-

¶ o ¶

riæ, ut certo speramus, in hanc redundabit Rem-publicam, id omne, post Deum O. M. nos grati-que nostri posteri in acceptis referemus ac per-petuo tribuemus, nedum præstantissimo universæ Nationis à Celsissimo Primate prudentissime ac laboriosissime gubernatæ delectui, verum etiam ac imprimis Celsissimis Avunculis Tuis, cara illa sacraque Nobis Jagellonum stirpe profectis, Can-cellario Supremo M. D. Lit. Palatino Russiæ, Anti-stitique Posnaniæ, qui pro restituendo veteri splen-dore Imperii famaque Poloni nominis, tam pro-vide, tam sapienter fortiterque rem omnem con-duxerunt, ut jam omnia ad fortunatum tranqui-lumque deduxerint exitum.

Quod itaque honorificentissimum, ac im-mortale decus sit, tam antiquissimæ Nobilissimæ-que Familiæ PONIATOWSCIORUM, ad sum-mum augustumque enectæ fastigium, quam Carissimis Tibi perinde ac Patriæ, dignissimis-que Fratribus TÜÆ Majestatis, Supremo Præfe-cto Palatii Regii, Viro in Republica summos inter æstimatissimo, alteri Clarissimo, in exercitu Au-striaco Generali Duci, qui sibi gloriam parem maximis Ducibus, scientiâ rei militaris, sanguine & innumeris vulneribus peperit; ac optimo do-ctissimoque Sacerdoti Fratrum minimo, cuius virtuti & doctrinæ singulari ad primos in Ecclesia & Republ; honores, & Magistratus certa patet via: Carissimis denique, ac omni sexus laude merito or-nandis, Sororibus Tuis: omnibusque claro San-guine junctis:

Quod vero cum primis felix faustumque sit amplissimo toti Senatui, fortissimo Equestri Or-dini, Exercitibus, Tribunalibus, Urbibus & cun-cto Populo: quod auspicatissimum sit Religioni &

Patrīæ:

Patriæ: quod imo fortunatum sit universæ Reipublicæ Christianæ, tanta Sapientia pollentem, bono huiani generis ornamentoque Regum, suffragiis liberæ Gentis, nos nactos esse Principem: hæc proinde tessera longe lateque per Provincias a Cive ad Civem, a nostratibus ad exterios divulgetur & permeet: Sapientem habemus Regem!

Jam cum genuinus sit sapientiæ fructus, quod nempe illa, iuxta divina oracula, sit pulchræ dilectionis mater, amaris certe, amarique Te ac diligi Ipse sentis, REX STANISLAE AUGUSTE! qui nuper flagrantissimum ac incredibilem quendam in Te Civium universorum amorem contemplando, continere Te non potueris, quin in hæc erumperes verba: neminem dicebas, è Regum vel maximorum filiis, dum Thronos cōscendunt paternos, eam aut nosse, aut posse sentire dulcedinem, jucunditatem, voluptatemque animi, quam tu sentires, dum quod necessario illis fors nascendi, Tibi libere, omnium caritas & benevolentia Civium, eorumdemque mirabilis illa uer unquam usitata nemine excepta concordia, Imperium obtulit. Ita cogitando certe non deciperis. Quis enim sapientem non depositat, non amet, non desideret Principem? qui de sua, quam optimè norit Republica, tam præclare cogitat, qui illam tot annis consilio destitutam e funesto Anarchiæ Statu liberandam suscipit, quis inquam tali Principi non optimè velit?

Et hæc ipsa leetissima ac nobilissima Juventus, quæ se Tuæ Maiestati hilaris & læta præsentat, id ipsum jam, quod Te nempe vehementer amet, frontibus, oculis vultuque præsefert, & Tibi palam facit. Nos continuo eidem inspirandæ non desuimus, quid DEO, quid REGI, quid Patriæ debeat. Præcepta, autem Leges mandataque Ma-

joratis

W. o. W.

festatis Tuae, dum Tibi aliquando vacaverit, præstolamur, quibus quam optimam rationem educandæ Juventutis divina Tua Nobis præscribet, præcipietque prudentia.

Nunc jam Scholæ Piæ utriusque Provinciæ feliciter Sceptro TUO subiectæ, de Majestate Tua & Patria optime mereri cupientes, a gloriofissimis Parentibus TUIS, ut Majestas TUA meminiſſe dignabitur, ſemper proteſtæ, clementiæ, tutelæ, & Regiæ detentioni TUÆ, ſele, ſuaque jura & Privilegia, a Regibus & Republ: iſdem confeſſa, humillime majoremque in modum comprehendant.

---

### Cicero ad Cæſarem.

Omnia ſunt excitanda tibi C. Cæſar uni, quæjactare ſentis perculſa atque proſtrata: conſtituenda iudicia, revocanda fides, comprimenda libidines, propaganda ſoboles: omnia, quæ dilapsa jam fluxerunt, ſeveris legibus vincienda ſunt. Non fuit recuſandum, in tanto animorum ardore, quin quaffata Republica, multa perderet ornementa dignitatis, & præſidia ſtabilitatis ſue: Quæ quidem nunc Tibi omnia vulnera curanda ſunt: quibus præter Te, mederi nemo potefit. Omnium ſalutem Civium cunctamque Remp: res Tu: complexæ ſunt. Orat. pro Marc. Marcelllo.





XVIII. 1. 1062